



غزوہ بدر کو واقعہ

دو ہجری ماں تے رمضان شریف کی ستارہویں تاریخ نابدر کی جنگ لڑی گئی۔ بدر اک بیابان، گرم تے ریتلی وادی تھی تے جیکر حضور پاک کا مبارک قدم اُس دھرتی پر نہ پیا ہوتا تے اج تاریخ ماں کدے بھی بدر کو ناں نشان نہ ہوتو۔ بدر کی اس جنگ ماں کفار ناہار کو منہ دیکھنؤ پیو تے اسلام نا کامیابی لہی۔ نبی پاک مدینہ منورہ تیں کسے جنگ کی نیت سنگ نکلیا تھا۔ حضور کو ارادو صرف ابوسفیان کا اُس قافلہ کو مقابلو کرنؤ تھو جہیز و شام کا ملک بچوں تجارت کو سماں لے کے آوے تھو۔ ابوسفیان نا حضور کا ارادو کو بھیت لگوتے اُس نے اپنؤ رستو بدل لیو تے قریش کا مسلماناں نا حضور کا اراداں کی خبر پہچا چھوڑی۔ اس واسطے ایک بڑی فوج لے کے ٹر پیا۔ جس بیلے حضور نا اُنھاں کا ٹرن کو بھیت چلیو تے حضور نے کی رائے لی

جے اُنہاں کو جنگ کرن بارے کے خیال ہے، شامل ہونویں گایا نہیں، حضورؐ نے الفار کا سردار حضرت سعد بن معاذؓ ے سکھڑ کھلاں ہو کے عرض کی اے اللہ کا رسولؐ ہم ہر حال ماں تھارے سنگ ہاں۔ حضورؐ نے الفاری سرداروں کو یوہ جذبو دیکھیوتے ویہ ڈاہڈا خوش ہویا۔

اُس ویلے مسلماناں کی گنتی صرف ترے سوتیراں تھی۔ اُنہاں کول صرف دو گھوڑا تے ستر اونٹھ تھا۔ دو جے پاسے مشرکاں کول یاراں سو سپاہی تھا۔ اُنہاں کولے پورا ہتھیار تھا۔ ست سو اونٹھ تھاتے اک سو گھوڑا تھا۔ مسلماناں کو حوصلو بدھان واسطے حضورؐ کی دعا تھیں۔ دو جے پاسے مشرکاں کو حوصلو بدھان واسطے ڈھول، باجاتے گان آلیں تھیں۔ مسلماناں نا اللہ کی ان دیکھی طاقت پر بھروسو تھو تے مشرکاں نا دیکھیا وا وسیلاں پر سخت مان تھو۔ جنگ کو وقت آن آلو تھو۔ ہُن یوہ وقت تھو فوج بچوں بچاں، لسا، کمزور تے بڈھیڑاں نا نکھیرن کو۔ حضورؐ پاک نے دیکھیو جے صفاں کے کچھکاروں اک بچو پیراں کا پنجاں بھار کھلاں ہو کے اپنو قد بدھان کی کوشش کر رہیو تھو۔ حضورؐ نے اُس بچہ کو یوہ جذبو دیکھیوتے اُس نا بھی لشکر ماں شامل کر لیو۔ اُس بچہ کوناں محاذ تھو۔ محاذ کو نگر و بھائی بھی جس کوناں معوذتھو وہ بھی صفاں ماں کھلو اپنا بھائی ناں جنگ ماں جان واسطے تیار تھو پر حضورؐ نے اُس نا

جنگ ماں جان کی اجازت نہیں دتی۔ اُس نے جنگ ماں شامل ہونے واسطے دعوہ کیو جے وہ اپنا بھائی تے مچ زیادہ طاقت آلو ہے۔ بھانویں مھاری چھٹی کروا کے دیکھ لیو۔ جس ویلے چھٹی کروائی گئی تے معاذ نے اپنا بڑا بھائی معوذ کا کن ماں کہیو جے بھائی توں تے جنگ واسطے تال لیو گیو ہے تے ہن کوئے کڈھ نہیں سکتو تے جے ہوں ہار گیوتاں حضور مناں لشکر بچوں کڈھ چھوڑیں گا۔ کدے میری خاطر تم ہار من لیں تاں میرو بھی کم بن جائے گو۔

ستاراں رمضان کو دینہہ چڑھیو تے دوئے فوج اک دو جا کے آمنے سامنے آگئیں۔ عرب ماں رواج تھو جے جنگ کا میدان ماں عام لڑائی تو پہلاں دوئے طرفوں ترے ترے لڑا کا پہلوان لڑن واسطے کڈھیا جیس تھا۔ کفار کی طرفوں ولید، شیبہ تے عتبہ نکلیا تے اسلامی لشکر کی طرفوں حضرت علیؓ، حضرت حمزہؓ تے حضرت عبیدہؓ نکلیا۔ ولید کو مقابلو حضرت علیؓ سنگ، شیبہ کو مقابلو حضرت حمزہؓ سنگ تے عتبہ کو مقابلو حضرت عبیدہؓ نال ہو یو حضرت علیؓ تے حضرت حمزہؓ نے اپنا بیریاں نا جہنم پہنچا چھڑیو۔

اس طرح جنگ کا شروع ماں ہی دشمنان نا اپنا سرداروں تو ہتھ دھونا پیا۔ اپنا سرداراں نا ڈھتا دیکھ کے اسلام کا بیر پوری طرح ہلو بول کے لڈیاں ہاروں

پے گیا۔ حضورؐ پاک کو عجیب حال تھو۔ کدے ویہ جنگ کا میدان در دیکھیں تے
 کدے اشمان کی طرف دیکھیں تھاتے دُعا کریں تھا ”اے اللہ اے ہمیشاں قائم
 رہن آلیا تیرا اگے ہی فریاد کروں“ جس ویلے گھمسان کی لڑائی شروع ہوئی۔
 جبرائیل آمین کا کہن پر مُٹھی بھر کے ریت زمین پروں چائی تے اُس پر گجھ پڑھ
 کے مُشرکاں در پھینکی۔ ریت پھینکتاں ہی فرمایو جے اے اللہ اُنھاں کا دِلاں ماں ڈر
 پیدا کر۔ فرشتاں نے اس ریت ناہر مشرک کی اکھ، نک تے مُنہ ماں پہچا دتو۔
 قرآن پاک ماں بھی اس کی گواہی ہے۔

جنگ کا میدان ماں اسلامی لشکر کو جھنڈ و حضرت عبدالرحمن ابن عوفؓ کا ہتھ
 ماں تھو۔ اُنھاں نے سوچیو جے اپنے اگے کچھ دیکھ لیوں کون کون ہے کیوں جے
 جنگ ماں کوئے بھی ہو سکے۔ حضرت عبدالرحمن ابن عوفؓ اپنے کوئے دو بچاں نا
 دیکھ کے حیران ہو گیا۔ اُنھاں بچوں ایکن بچہ نے کچھویو جے چاچا سامنے دشمنان
 کی فوج ماں ابو جہل کہیڑو ہے۔ ویہ اُس بچہ کو سوال سُن کے حیران پشیمان ہو گیا
 جے یاہ عمر تے اتنو جذبو۔ بچہ نے کہیو جے رسول پاکؐ کا دشمن کو پتو ہم نا
 ضرور دسیو جس نے میرا پیغمبر نا طرح طرح کی تکلیف دتی ہیں۔ گجھ چر بعد ابو
 جہل گھوڑا اُپر سوار ہو کے بڑی پھرتی سنگ صفاں بچوں جائے تھو حضرت

عبدالرحمن ابن عوفؓ نے اشارو کر کے بچہ نادسیو جے ابو جہل ہے جھپڑ و خدا کا رسولؐ کو دشمن ہے۔ اشارو کرن کی دیر ہی تھی۔ بچہ بجلی ہاروں ابو جہل دردوڑیا تے اک ہی وار ماں ابو جہل نازخمی کر کے گھوڑا پروں دھا چھوڑیو۔ ابو جہل کو زخمی ہونو تھوتے سارا کافراں کو غور مٹی ماں رل گیو۔ اللہ اللہ اُس بدر کی وادی کو کے نظارو ہووے گو جس ویلے اک نکا جہیا بچہ نے پوری جنگ کو پاسو پرت چھوڑیو۔ ابو جہل کے بعد مشرکاں کا حوصلوٹ گیوتے ویہ ہار گیا تے ناکامی اُن کو مقدر بن گئی تے اسلام کی بڑی کامیابی ہوئی۔



1۔ لفظ تے اُن کا مطلب:

ریتلی	: ریت آلی
سمیان	: چیز، لتو پتو
ترکن	: سرن پر لکڑی کی آواز
سکھڑ	: سیدھو
مشرک	: شرک کرن آلا، مخالف
لسا	: کمزور

جپھی : لڑائی، جھگڑو

گھمسان : گانچ

چر : دیر

2- سوالات:

- (۱) سن دو ہجری کا رمضان کی ستارہاں تارخ نا کہیڑ و واقعہ پیش آئیو؟
- (۲) غزوہ ماں مسلماناں کی کل گنتری کتنی تھی؟
- (۳) مشرکاں نے فوج کو حوصلو بدھان واسطے کے کیو؟
- (۴) عرب ماں جنگ توں پہلاں کس لڑائی کو رواج تھو؟
- (۵) بدر کا جنگ کو پاسو کس نے پرت چھوڑیو تھو؟
- (۶) بدر کی جنگ ماں اسلام کو جھنڈو کس صحابی کا ہتھ ماں تھو؟

3- لفظاں نا جملہاں ماں برتو:

ترکن، ٹرن، سمیان، سبق، سردار، اکھ، پشیمان